


應酬彙選
卷一

和6
211
子1



應酬彙選

卷一

門類
號 211
卷 3

光緒四年新鐫

應酬彙選新集

書啟備要 時令碎錦 蘇州掃葉

古今帖式 對聯雅集 山房藏板

夫人自晨光晞 鸚鵡 夢 啞 即

雜選 紛 紜 長 髯 赤 脚 之 秋 千 里 當 於

當 賀 須 應 須 酬 豈 能 偶 或 置 之 向

有 潘 子 星 野 彙 選 一 書 所 載 書 函 帖

式 名 聯 氏 族 以 及 慶 弔 詩 文 雖 不 及 行

厨 留 青 渚 集 之 富 有 然 不 支 不 漏 式 已

總序

一

具備既便於提攜亦雅俗所共賞以故
風行海內歲將人構一編惟是集中尺牘
皆聯皮覽率累慶弔詩文採名家專
指之作未便那用帖式亦多舛悞至餘如相逢
稱謂詞狀等類俱各用之物贅之汗目辛
郊夏集或類聯彙送柳環主人共手輯尺
牘欲同付梓且致另定通用慶弔詩文釐
正帖式稱呼須在酬新集以公世予嘆曰
應酬筆墨多因其情各隨乎事印行厨
留青涉集世數為卷亦難暗合區區數篇
安能適用况古今名公大家於慶弔詩文亦
難著筆以茲忽處摹擬能不貽笑大方乎

主人曰君之五岳四瀆宇宙奇觀其旨考發
 人片石方池一隅雅趨隨地可以移置且子
 不見矣余玉之論音乎和者眾正不在陽表
 白雪也又何患乎貽笑哉予曰唯之爰續
 數種以應主人之委 時
 乾隆辛卯夏自稽山松杪書

應酬彙選新集總目

奎照樓梓行

金部

分類尺牘上

石部

分類尺牘下

書柬活套

絲部

慶賀壽文

應酬彙選新集 總目

平奠祭文

慶賀詩

哀輓詩

徵啓

請啓

募疏

募引

竹部

姓氏聯珠

時令麗句

匏部

分類名聯上

土部

分類名聯下

革部

柬帖稱呼

餽遺名義

品物稱謂

行禮要覽

禮書活套

文武誥封

鄉甲旌會以上上層

書札稱呼

請宴帖式

餽送帖式

慶賀帖款

璧謝帖款

婚聘禮目

回聘禮目 以上下層

木部

喪禮雜記

補服定制 以上上層

喪禮帖款

喪服圖制 以上下層

青陽佈澤。淑氣呈祥。當此熙和景象。正人生行樂時也。無如知已。天各一方。舉首行雲。恍然若失。忽華翰寵頒。喜盈眉宇。捧讀之下知。近祉亨嘉。曷勝歡欣。而雅誼殷殷。情見乎詞。千里寸心。更增感慕。謹此敬復。並候台祉。無任神渴。

夏候

赫曦司令。赤帝經天。際此柳岸薰風。晴霞煥彩。政台臺尋歡。娛樂時也。如弟逐逐風塵。無一善狀。抱愧多矣。別後山川遙隔。勿獲趨承。教益更覺茅塞依然。何時再晤。以暢予懷。遙想剪燭西窗。穆然神往。亦難忘故人耶。因羽修候。不盡欲言。

答復

日麗炎蒸。池蓮挺秀。對此如年情景。不啻顧影相思。乃承翰及使我汪然興感。然弟以樗櫟之材。不堪匠用。比之台臺。經緯英資。翩翩國器。大相天壤矣。未十聚首。何期倘得聯床。其話勝讀十載奇書。敬覆寸緘。伏祈崇照。

秋候

金風滌暑。玉露橫秋。遙想故人。自必隨時獲福。無庸遠視也。媿弟碌碌非才。半籌莫展。虛度浮生。君將何以教我耶。猶憶曩昔聚首。言歡胸臆。間無一滯物。別後未幾。茅茨滿裏。得獲再聆。

情詢則此身又在玉山上行矣。肅啟奉候餘情不既。

答復

斗杓西指。節屆清商。政寂寞蕭然之候也。瞻彼雲漢。殊切相思。而瑤函忽從天降。高情惓惓。溢于毫楮。使我感于心而恨。別離寤寐。間未嘗少置于懷也。雖後會之期。屈指可計。而愁結雙眉。終難自解也。因鴻肅復並候。清社臨穎。依戀。

冬候

朔風凜冽。厚氣嚴凝。遇此水霜刻骨。話心人各分南北。寧不愈增淒涼景况耶。但台臺福人多社。正宜煖閣擁爐。高歌咏雪。而怡適情懷也。不知尊酒徘徊之際。亦曾念我燕鶯。儔否敬託管城爰修恭候。希惟炤亮。殊極神依。

答復

霜華滿地。冷氣盈軒。值此脂凝冰凍。真令人想慕春風中也。適接華箋。陽春遂滿室中。乃知火百鑪。酒百盞。不及吾兄一札。焚香披誦。大慰相思。何日聚首。作平原十日飲。暢敘幽情。解此離別恨也。敬復請安。不盡縷悉。

暫別候

數日不面。中心如焚。頃刻參商。更增眷戀。雖暫違光範。而此

心無刻不在左右也。顧影蕭然。問花不語。似此寥寂。吾兄其何以教而慰我徬徨哉。公餘速賜回旌。毋使三秋興感。此達。

答復

別未經旬。宛如九秋之隔。澗裏如縷。難對人言。恍然若失。無可適心。仰觀明月。想見顏色。正思憶間。忽辱翰至。喜溢眉宇。不啻千金之錫。言旋在即。晤談不遠。莫為懷人過傷。則幸幸矣。此覆。

久別候

久違光霽。裘葛幾更。企想伊人。與時俱積。渭付江雲之思。彼此同心。花朝月夕之辰。兩天共恨。繫念久矣。何以慰之。聊修數語。虔候。安康。伏惟垂意。以鑒微忱。

答復

憶別以來。迭更寒暑。望風懷想。飢渴鄙懷。夢寐間未嘗不神馳左右也。開誦尊緘。宛承顏色。使我渴塵頓釋。殊極歡騰。以檄愈風。良非虛語也。恭修肅復。並候尊祉。不既。

遠地候

山川遙阻。迥隔雲天。縮地無方。其何以度。此風花雪月時。哉每一興懷。徒增別離之感。然兄臺吉人天佑。福履亨嘉。自是與

時俱進叨辱。鮑知常懷欣羨。惟願強飯加衣。順時自保。幸勿以千金之體爲異鄉花柳役也。荒函肅佈。謹叩。台禧。不勝瞻金。

答復

人居兩地。天各一方。依戀惓惓。切深燈月徘徊之際也。異鄉花草雖紅綠不殊。其如添我離情何哉。正翹首雲衢。忽鴻送瓊音。捧而誦之。若覩丰儀。殷殷高誼。足令寢餐俱廢。併知吾兄邇來動止。榮膺多福。甚慰鄙懷。勉以自保。惟命是將。使旋肅復。少伸悃切。

近地候

雲山匪渺。棟宇非遙。咫尺間。未繇時聆。教益方寸。中豈不更淡鬱抑乎。爰穎恭候。不盡縷衷。倘蒙俯念鄙生。卽賜移玉。過我晤言一室。以快積懷。尚此奉。達不盡欲陳。

答復

衡閭在望。原非跋涉關山者比也。緣俗冗蝟集。徒事勞勞。未獲時親色笑。悵也何如。仰慕間。正欲翅飛左右。敘悉將悰。忽承寵召。仰見同心。俟紛紜稍暇。卽當趨命。肅函奉復。餘俟。未會仰慕。

素企 高風殊深仰慕。依戀之誠。徒銘肺腑間也。未知何日得

觀光儀親承教益。追隨几席。以快積懷。得遂人生一大樂也。第恐鄙陋劣庸。未堪爲長者錄耳。肅佈荒函。不盡祥注。

答復

久欽芝宇。涵想惟殷。無由一晤。良深抱悵。然披雲之想。何日忘之。若弟之污朽下愚。何足品題。適辱翰教。荷譽過情。汗顏無地。懸切識荆之念。何時晉謁龍門。恭啟肅復。曷勝神馳。

外出寄送物件

山高水長。其情如醉。心遠地偏。其想若渴。回首故園。烟雲漂渺。令我肝腸欲碎。何時得與老兄臺復聚一堂。且夕言歡。則此生之大快也。客中無以爲意。薄芹布悃。希爲叱存。榮幸多矣。

答復

瞻彼美人在天一方。雖心旌遙往。奈關山迥隔。九曲迴腸。空付五月梅花之想。正當鬱抑。忽承手札。恍如面會。而殷殷過愛之情。使我媿赧無地。拜登厚賜。愈增感佩。銘刻難忘。肅穎敬復。謹佈謝悃。伏冀垂諒。

在家寄送物件

以膠漆之心。分南北之身。每念吾兄跋涉程途。馬背風霜。舟車勞頓。焉堪苦况。柳綠花紅。雖可寄旅人之思。晦明風雨。其何

解家中之愁。伏惟珍重。自愛及早言旋。無使故人懸懸望切。因
鴻奉候。聊獻某物。祈爲 莞留。毋我遐棄。

答復

勞人景况。足跡奔馳。亦分所宜。然也。第膠漆忽分。形影一天。竟
成兩地。五中鬱結。惟此是恨耳。想 兄臺當清風朗月。刻燭分
題。聯牀共話。際梅香菊秀。持螯浮白。啜茗焚香。興思及此。焉忽
久羈長安耶。承 惠某物。汗顏叩領。恭修鳴謝。殊乏報瓊。

遠地借銀

山川修阻。音候久疎。魚雁之杳。必蒙 台諒。然世態變遷。與日
俱更。窘逼之際。大難告人。素知 兄臺有周急之仁。必不使弟
有釜魚之泣。祈俯念交情。撥借白金幾兩。以濟燃眉之急。俟某
時自當奉趙。決不至珠沉壁碎。而蹈失信之愆也。幸勿他誘。而
虛所望。翹首注切。

答復

千里寸心。一緘之賜。不營金玉。可見注存。愛我實深矣。若人事
不齊。總關乎數。惟達人居易。俟之承 命。挪項。奈弟素無豐積。
但遙檄告急。又義不可諉。故不敢有難色。敬空我囊中。僅措白
金幾兩。以應 台需。伏冀 焯人庶少盡通財千萬一耳。

近地借銀

屢沐恩仁感深五內。瞻依之誠。宛若山嶽。刻下有一要事。急需無門告貸。老台臺造就有素。必憫涸轍。而激以西江之水。故不揣汗色。懇借帑金幾兩。以充要費。限來春炤息歸庫。斷不敢爽約以負。盛情也。惟祈 俞允。恭當叩階。走領懇切。懇切。

答復

朋友之道。寔有通財之義。奚云汗色。吾 兄既有急務之需。自宜遵 命。應付柰 弟囊資如洗。力不從心。而勢不容已。乞醯干鄰。別為挪借。聚腋成裘。以足幾兩之數。則 尊務可以苟完。苟

美亦 弟之寸心焉。尚人奉 上祈為取入可也。

託人代借銀兩

夙欽山斗。久切葭依。柰俗冗紛紜。不得常侍。左右為悵也。頃者床頭金盡。壯士無顏。但有急逼之需。徒然束手之嘆。老台臺素有施濟高風。必不忍坐視顛危。而不持不扶焉。祈為留心鼎力代 向某人處 挪借白金幾兩。以完急項。嗣容某時繳楚。必不敢辜。明德而貽長者累也。託穎至懇。神與俱往。

答復

排難解紛。乃友道之至要。分憂協力。是素好之深情。翰及諭

以急需委託代挪敢不效力。隨向某人處再三懇切。婉曲斡旋。乃諧其事。已足幾兩之數。敬封奉。上可即收入應用。伏望依時送楚。可無失信之訝。且免索逋之累。則始終盡善。交情全而厚道亦全矣。伏惟心注。幸勿忽忘。

借銀答無

承 札諭以需費。本當竭力應。命但弟此刻百孔千瘡。捉襟見肘。雖有一片熱腸。無如手長袖短。擬向四處挪借。又鮮我信者。奈何奈何。伏祈 原諒。別作商量而違。命之罪容當荆請。

託借答無

逾接 尊翰委以代挪之任。經于某處竭力陳懇。奈弟言輕。竟難挽從。即欲逢人說項。亦覺空廢唇舌。在弟則床頭如洗。雖巧婦難作無米之炊。為之何哉。祈諒不敏。勿以深罪是幸。

遠地討銀

雁斷衡陽。一信難通。疎候之愆。必蒙 台宥矣。嶺啟者。前所假之項。已經幾載。想吾 兄信人。必不忽于心。而忘于懷也。見息祈即如數擲下。則前之應。死今之應。弟兩相利便。均感不朽矣。敬佈荒詞。不盡懇切之至。

答復

善於水帳

音問之缺。總緣路遠山遙。非因欠項而致疎。魚雁也。諒之諒之。即欲拮据歸趙。柰掣肘不堪。是以未能速繳。致延三載。不蒙齒及。汪涵殊甚。弟非土木。焉敢忘忽。而煩尊慮也。承翰不勝悚惶。隨即措足原數。交某人贖上。伏祈查入。而高厚之感。仍銘五內。肅侯近祉。不既。

近地討銀

衡間咫尺。且夕可通。詢侯久疎。缺情寔甚。但兄臺汪度容人。諒不我責。有瀆者前所擲之銀。本不當啟齒。柰刻下要切必需。不得已冒請尊庫。萬望體諒。擲付則弟之感。兄亦猶兄

之感。弟矣。其勿以急索見罪。則幸甚。此瀆。

答復

交情之真。見乎施濟。弟前以急懇。即蒙應付。心交體切。如吾兄者。蓋亦難矣。寧便忘忽。而遲歸趙乎。總為困乏。致延歲月。知我者必不深責。得札謹為湊足。原數奉繳。統祈查收。是禱。而遲滯之罪。倘冀原宥。又焉敢見尤而負大德耶。謹復。

討銀寬限

急齊之施。沒齒難忘。帑金之擲。恩同高厚。本擬且夕奉璧。奈因困乏窘逼。未得從心。不謂轉瞬如許之久。固非負信。亦垂情理。

媿甚媿甚乃蒙檄催更增羞赧伏冀見原始終全情容俟某時揭借奉上斷不敢復延以重失信之罪肅啟懇限不勝悚慄

借米粟

濟困扶危。兄臺之素志也。刻下有在陳之厄釜甌有生塵之

嘆伏冀吾兄。擲玉米幾石以應燃眉。免老幼捋腹之悲。德莫

大焉。容俟某時運納。盛倉決不延滯。以負厚情也。切懇切懇

答有

使齊之請深慕昔賢高風。庖廩之繼殊忝尊賢廣惠。適蒙札

諭受困在陳雖吾兄之厄。寔知己之耻。謹効廩人之責。少盡

食之誠。為是措措撥米幾石。以充厨甑之炊。以應急遽之撈

其母以我為罪則幸

答無

荷承尊翰。告以炊務之急。欲借米幾石。友道親情。正宜分甘

其旨。無如我楯已空。我倉云虛。卽有充釜之心。難施充釜之力。

慚寔深焉。為之奈何。想吾兄。鮑知有日。必在汪諒之中矣。愧

復

借物通用

人生世上。百凡最難滿用。而家居器物。猶難全備。頃因其事必

需某物。四處請假。十分難得知。老兄臺素有此物。必不見吝。乃端人走懇。祈即撥借一用。自宜珍重。不敢損失事竣。即當賁趙伏惟俯從。至禱。至禱。

答有

器用之假。人所常有。肥馬輕裘。尚然朋共。何況粗鄙之物乎。承諭欲需某物。雖極珍愛。焉敢吝惜。以違台命。耶。隨檢交來人。賁上以應。尊用。幸勿致損壞。則愛之至惠之深矣。事畢報我。以便走領。肅此敬復。

答不借

友曰。同袍朋稱其契一物之假。何容吝惜。緣前有此物。今已毀矣。尚未復置。欲應而無可應。亦經代為傍求。竟莫能得。方命之愆。歉仄良深。但吾兄平素知我。必不以我為迴而責也。諒之。

討物通用

常需之物。與朋友其乃弟之素志也。前所借某物。本不應急。素緣項間有某事之要。必不可缺。欲向別借。暫用。又無合宜。無奈冒賣。祈為原諒。刻即發下。以便應需。不致臨事倉皇。感吾兄之德。靡涯矣。至切至切。

答復

同馬其裘寔。兄臺之高誼前蒙。賜借某物。令我心神怡。曠不音百兩之錫。感佩曷忘。但久假不歸。殊負盛情。乃蒙札取。愧極愧極。隨檢付完。趙並無瑕損。伏祈垂炤。肅復鳴謝。刻德不既。

托外方買物

不面。台顏春復秋矣。想旅中情況自是亨嘉。極目雲天。其悵何似。彼地所有某物。弟心求甚切。未得一置。駕欲旋時。干祈留心代為選擇。精緻者置買若干。帶回。自當照價奉還。萬勿以尊冗忘懷。推諉是囑。

答復

別來甚久。故國溪山。自應青綠依舊。兄臺福祉。亦必高且長矣。來翰委買某物。刻即向肆。細心選擇。已經照數置買完備。俟弟起身。一併繳上。又焉敢以俗冗忘懷耶。餘容面陳。肅此預報。

在家託出外買貨

慚生不才。株守園林。未得少展逸足。愧實深焉。若吾兄遊覽于高山大川。觀上國之光。馳騁心懷。以營大利。可謂一舉而兩得矣。欣羨欣羨。茲者弟欲買各項貨物。敢祈代為照單購買。寄來。即當奉價。切不可誤。肅此至懇。

答復

語云在家日日好。出外朝朝難。誠哉是言。老兄臺適意邱林朝花暮月。鶯歌蝶舞。足以極聲色視聽之娛。致足樂也。接函蒙論欲買各貨。隨遵單備辦。其價銀另單開報。祈爲照發可也。在外託家中買貨。

近時某貨此地最稀。頗云利市急難營買。兄臺素得熟嫻。必能採買。茲特寄本銀幾兩于萬伐爲置辦。若干寄附的當之人帶來。以便發賣。若或遲延。誠恐聞風驟至。則不濟矣。銀信一到。希勿停刻。是禱。至切至切。

答復

適接尊函。併銀幾兩。俱已悉矣。及云彼地某貨有利。弟不敢停緩。立即竭誠採買。其若干以某字號裝封。交付某人。賁運前來。到日伏祈彙查收人。以便發兌。必不致遲延誤事。其路途盤費。示知多寡。務必併算明白。清楚可也。此復。

在外寄貨回家託賣

經商遠地。只爲蠅頭微利。豈知利路維艱。總難遂意。奈何奈何。茲因某人回家之便。附寄某貨若干。到日祈卽查明代爲求價。發賣卽將所得之銀。併爲代買某貨。仍交當人押來。庶可稍得。

應酬身道
往返之利皆吾 兄之惠也謹當銘佩切啟

答復

靜守林泉無一見長難覓利路徒抱庸劣之嘆承札委以重任不勝惶恐所寄某人某貨若干已于某月某日到地適值市價稍昂隨發賣去每担價銀若干其得銀幾兩即遵依辦買某貨若干每担價銀幾兩除外尚欠銀若干弟已代為補足其貨以某字號裝封交某人賚來祈查收是幸

在家寄貨出外狂賣

碌碌株守不能展足經營較之 兄臺覽山川之勝獲遠方之

利可以娛玩可以充囊真不啻天壤矣茲者弟有置辦某貨若干寄某人前來伏祈查照代為發賣彼地如有的當貨物即將此銀買回倘可得利皆吾 兄山岳之德也肅懇至切

答復

奔波如弟有幾人哉總之生當如此何曾富有可求仰憶 兄臺安步當車無事逢迎心不為形役優游以自得不幾令人羞殺耶所有寄來某貨委弟發賣已經得價兌去仍復遵買某貨附托某人賚回其銀尚剩若干祈照數一并查收端此佈復

記取賬銀

記取賬銀

經商遠地跋涉形勞原為逐利計也客歲春間所發某貨到某處皆知市價不利一時難以發脫有某人將貨兌去的限幾個月交銀無奈曲從本壩守候完賬方回家中要事難遲慌忙就道延今未楚茲開單寄上萬望 兄臺代為照單催討帶回切勿不可在其遲緩也勿誤有感至懇至懇

答復

生理交關最難者無如放賬某日接 兄手信云有貨兌與某人賬銀尚未清楚着弟持單向討自當竭力承催奈彼一時難借懇限陸續奏完亦姑從之待足額封貯弟旋日親帶繳上毋庸

台慮若欲附寄又無十分當人是以未敢倉卒謹此先覆

討銀囑交

兄臺前所兌之貨其銀若干兩經結單照項某月清賬延今過限已久弟因繁事先回是以未得屆期赴 命完結諒 台臺信人必然預備足數茲已將單囑敝友某某代為走領祈即照單交與帶來切勿復延則戴 德不盡矣託頤奉啟不勝膽切

答復

仁厚交關從無逾限未楚之理前所兌 尊貨原約某月清完弟經措備候取奈 駕先期旋里不得賫交是以留滯非敢故

爲寢延也茲蒙 台諭着將賬項其若干兩交與某人惟 命是聽隨交足訖分毫並無短少肅此敬復並伸鳴謝不旣

馳報發貨

邇時某地貨物極聚獨某貨並無一到而買者甚多欲得此貨發兌必有大利故特飛信報知刻卽裝發前來定然勝常萬萬語云價高招遠客苟或延緩四處聞風而至其利必不全獲矣惟祈垂炤至切至切

答復

年來貨物緩毫計利可謂虛微之極此心將次成灰頃接飛翰報我以某貨可營大利足見心交 高誼使我銘刻不忘隨照辦裝發星夜馳進諒不致濡滯也謹此預復轉瞬間卽可面領清誨抵掌而談矣

探問何貨可發

久息林泉頓覺神情疎懶而行情市價竟付度外但坐食株守殊非遠計意欲復就長途之役而趨承客旅教益未知近來某處何貨妥當吾 兄必知其詳祈爲留心打探確實卽 賜一息示知以便裝辦前來庶不至經營舛錯則負戴恩仁不啻高享矣肅頌至囑

答復

慚生不辰驅馳道左勞勞問津無一善狀若兄臺安居自適
尋花問柳誠足快也何事區區欲就長途之役使花鳥笑人哉
承問貨物何利弟籌之甚熟近來某處他貨極其叢聚惟某貨
景缺見息可即速置辦到地發兌必得奇利幸勿稍緩以誤經
營惟吾兄圖之此復

探問外地生理

半世虛生徒然守劣在家生理覓利最難若台臺大才可用
正宜宏施利濟而振作遠方以獲大利未知某處某項生理何
如或有別業可圖祈為探問確實賜息示知弟欲前往謀為
倘可小立規模少盈囊橐則也台臺恩莫大矣端此切懇不勝
待命之至

答復

語云人無生活計不怕斗量金生居斯世自當克盡勤勞希圖
利路以期創成乃不負蒼天付與弟跋涉江湖僕僕蠅頭亦
不過為衣食計也兄既有志遠圖生理成敗總關造化豈有
一定之利乎若某項生理亦非十分穩當待尊駕果來別當
商酌自有着足之此此復

答生理不濟

為人謀利。作僧撞鏡。廉屬本分。所宜豈能以某項必成。某項必敗。而執定乎。如弟兩足奔走。歷盡風霜。經年不暇。何有于利。某所以然者。無非在職行職。云爾承諭。欲來生理。今非昔比。利路微末。切不可舍近求遠。使兩地俱空。而自取悔于將來也。諺云。販生不如販熟。惟吾兄裁之。言語唐突。幸祈汪諒。率此以復。

欲往先探

慚無一技之巧。且乏求利之本。牛籌莫展。營生無計。何異鼠入牛角。當此急切。吾兄其何以幸教耶。聞尊駕在某處。振立宏模。生理十分興盛。必得人力之用。弟意欲趨承左右。以奉走使。未如老兄臺肯容我作泰山之賴乎。肅此先懇伏望。公則允不勝依戀之至。

答允往

相時而動。大丈夫之經濟也。兄臺抱不世之才。必須大展經綸。以期振乾立坤。豈可鬱鬱以終老哉。既有遠遊之志。何妨爰秣舟車。倘蒙不棄。得以聚首一堂。凡事分勞。指教受益多矣。弟恐枳棘不堪棲鳳。故未敢專函恭請。如果不嫌清淡。謹當虛左。以待肅啟。奉復。翹企光臨。

答不允往

財利之物有限存焉非可以人力強求而得也。弟命途多舛徒事奔波終年累月無一休暇雖負虛名何曾實濟每思返棹歸來靜養性天柰久羈繁冗遽難清結故未克從必耳吾兄奇偉素著闢闢儘堪大展何必去柔梓而為風霜客耶且近來此地錙銖是爭。長途勞苦竊謂難堪此信哀之語伏願思維

邀請其事

學至朋來不亦樂乎事求友其信乎任矣。兄臺以英偉雄才不思圖遠而建功立業留戀鄉邦豈不為識者鄙且士君子見機而作正當勉從事。況日月易逝吾兄寧不以寸陰寸金是借哉。弟以蹇劣留滯某處雖無大張頗亦繁冗柰無一賢能可以重寄託且夕思之非吾兄不足以當信到務祈整裝就道勿虛所望是禱。

答赴

守拙待時每深不遇之感抱膝長吟常慚疎劣之才雖欲託足無機可乘縱切葭依未能遽進正在想慕之頃瑤函忽從天降縷縷高情溢于毫楮更荷激切召用不獨愛我之深而慮我勉我者猶深矣弟恐駑駘下乘不堪為長者驅耳謹遵

命擬于某月就道肅此預啟尚俟晤罄。

答不赴召

世事如茶。心疎意懶。敗鼓之皮。奚堪藥用。愧弟父書徒讀刻鵠。未能自擬衣架飯囊。以度此生。乃荷吾兄華翰。遠頒殷殷。召致可見。知愛相關。使弟感恩不盡。敢不赴命。但因舍下諸務。勿擾急難。動身况山川遠涉。不易行程。而向慕之私。徒切望洋之嘆。俟紛冗稍暇。自當匍匐以進。謹此肅復。乞恕不恭。

託人求親

月下赤繩原繫百年雙。美水人告語。重于九惻。不言緣長小水

正當已冠之年。未謀一室。為人父者。中心殊急。某其詩書世胄。閱閱名家。聞其幾令愛素嫻。閨訓四德咸宜。弟竊慕鸞蘿之結。未便啟齒。敢渙。兄臺執伐玉成。倘蒙不棄。鄙陋抑或許以牽絲。遂締室家之好。伏祈為我圖之。毋吝金玉。可勝待命之至。

答求允

檢書定耦。非弟所長。締好百年。寔由天定。非口舌所能強也。荷蒙委向某某議親。弟不媿非才。執柯以往。懇陳其事。歡然允諾。此委屬前緣。豈弟之能事哉。幸不辱命。增榮多矣。謹此佈復。請示訂盟之期。以便走報。庶免臨事匆率。臨池可勝神俱。

答求不允

為見謀媿。螽斯衍慶之謀。締結絲蘿。慎重人倫之始。豈偶然哉。荷以令郎好事。委議隨向某某。道陳其意。彼亦十分雀躍。但其令媛已許字某氏子矣。非某不敏。寔天緣有在也。想令郎天姿國器。不乏淑良佳耦。雀屏之選。拭目以待。願母以遲速介意也。

代人求親

弟性庸拙。素不諳于媒妁語。有某兄之第幾郎。容儀俊雅。手采可人。大有國士之風。弟已物色久之矣。而急難得耦。如老兄臺世德傳芳。天南偉望。幾令媛咏雪奇才。正宜應此君子好逑。

然婚姻之事。總係夙緣。苟微言可納。許以坦腹。遂成兩姓之盟。

永叶千秋之好。則撮合山。無愧執柯役矣。肅函奉懇。伏希季諾。

答允

男願為有室女。願為有家。乃造端之大道也。幾小女未習閨儀。吟慚芍藥。將次及笄。正擬訪擇良緣。而瑤章忽至。欲以某某之幾令郎。爰配弱息。惟恐蒲忒陋質。不堪為君子耦。負至德至情耳。苟或不棄。寒微得附葭葦之末。遂訂于此日。則其昌五世。皆執柯之德也。自當永銘肺腑。肅此敬復。並請 金安。

答不允

女大當嫁人倫之首經也。昨蒙翰及擬以某兄之第幾郎配僕之幾小女喜出望外。但已經許字于某姓不獲倚玉方寸鬱鬱徒抱綠慳之嘆。空負吾兄一片熱腸。還祈委婉告辭。非敢爲固却。乃緣分之有定也。謹復。

託人舉薦

歲序易流。兩鬢將霜矣。抱膝徒傷。足令風月笑人想。兄臺經綸遠播。朱履盈庭。可謂天下無人不識君矣。倘欲玉成造就。易若吹毛。伏祈垂念救援。苟有進取之機。萬冀鼎言推薦。或得脚跟着地。永當啣結不朽。謹啟。奉懇不盡依依。

答復

黃鐘毀棄。瓦釜雷鳴。弟代爲之不平。以吾兄才華冠世。弟所素欽。何事而不可爲。乃自甘落寞。不圖長進。此弟之所以不解而深痛惜也。接函諭以乘機進取。弟雖不敏。敢不僭獲一籌。使吾兄得以揚眉吐氣。而大展奇抱乎。早晚有機。另當馳報。斷不忍使巨鱗復屈池沼中矣。此覆。

求託照顧家事

匆匆就道。竟忘家中薪米事。妻劣子愚。其如口腹何。寔內顧之深憂也。仰望吾兄俯念知交情誼。萬必垂青照料。撥給餬口。

之資庶免枵腹之慘。洪恩不啻再造。回日自當一一歸趙。而頑鬼不肖。恐蹈放蕩。并祈着意篤責。則急濟之仁。至交之誼。書紳不忘矣。忙中至懇。神與俱往焉。

答復

朋友五倫之一。至交是勝同胞。昔管鮑有斷金之義。雷陳有膠漆之投。于古佳話。良不謬也。吾兄以長途之逼。而匆遽忘忽。處置弟自應調停。豈忍坐視嫂姪飢寒乎。勉着意經營。可無內顧之憂。至于賢姪輩。素奉嚴訓。自能恪遵守分。必不至放浪形骸。似亦毋庸諄諄告誡也。肅頌敬復。以慰客懷。並冀珍重。

求託辦事

器之利者。常為人之所共試。乃見其銳馬之劣者。雖平原亦且顛蹶焉。堪涉險。兄臺經文緯武。仁智兼盡。弟素仰賴飽德醉心。已非一日。茲弟有某事。當局者迷。庸劣不能主持。必致懸誤。伏望仁兄代為策畫。料理務期成濟。則高厚之恩。五內銘刻。沒齒難忘。託筆拜懇。誠切之至。

答復

為朋分憂。代友任重。情不可諉。而義不得辭也。頃接華箋。囑以料理某事。敢不極力奉行。以期必濟。而報復台命。即惟恐

陋非才不堪其事有負。明託則不敏之罪將何以追乎。然兄臺以神見之明因器任使。或亦苟完苟美是借吾。兄自任之重先機之灼。弟曷敢伐此復。

託帶家信

久羈異地。心切關閭。諸務冗絆。不得東裝回里。方寸如焚。悵寔甚焉。聞一仁兄榮歸在邇。鄉思百倍。恨不得展翅同飛。奈何奈何。茲待附銀信幾封。駕到煩即親交。家父家兄舍弟小鬼收入。千祈勿滯。佩德靡涯。諸親友不及另柬。修候乞為呼名。致意至囑者。回程遙遠。客路風霜。還須珍重之為要也。切啟。

答復

爾我皆離鄉井者也。每聞有人旋里。未嘗不心動神馳。而欲與之俱往。鄉念之切。情出乎性。有不容已。然茲者匆匆治歸。未遑拜別。蒙委賫家書。敢不以萬金珍重而藏之深密處乎。到日立即送交。決無留滯之理。親友輩自宜代致。並無庸囑。肅此奉復。

託帶外信

昨聞大駕欲往某處。起身在即。愧不能薄治杯茗。以壯陽關。行色歉仄。無似小信一封。敢浼兄臺順帶。至某處煩交某某。親手收展。幸勿遲滯。浮沉德莫大焉。感豈淺哉。切懇。

答復
山川修阻音信果難時通。兩地關情。徒增悵望之感。弟因在家。束手靜默。無聊擬向異地經營。故有某處之行。本應造府拜辭。領命。緣治裝不暇。必蒙汪恕。尊函之附。謹貯囊篋。到即奉交。莫敢沉滯。謹此肅復。

求周濟

床頭黃金盡。壯士無顏色。弟以數奇守困。囊篋日虛。未審東壁餘光。肯分西家鄰女乎。倘獲治漑。潤波不至槁首溝壑。則吾舌尚在。決不令華陰黃雀笑人也。一飯之恩。千古佳話。萬欣解推。以出。翫金甘露之施。豈忍忘之哉。切懇。

答復

潤別久矣。豈知范叔一寒至此。然此况味。吾兄不過偶爾暫嘗。斷不長為貧魔所困也。承翰告以窘急。寔為素交者。罪自當竭力以應。但綿力未能獨勝。謹効微生。高井傾我囊。負虔賁奉。上少盡知己之情。非敢為哀王孫而望報也。謹復。

賀娶男婦

佳兒佳婦。門闌中第一喜慶事也。令郎琴瑟初調。禮成台登。此夜花燭。光照人間。二妙純年。麟趾昌期。卜千五世。從茲熊羆。

著瑞蘭桂登芳太翁含飴快何如哉肅函恭賀曷勝歡騰
如有賀儀則添寫一芹馳貢萬祈笑納

答復

清儉家風為兒苟完婚債不過竹間練裳以待佳婦耳非敢擬
百兩而燦爛粧次也惟願調琴和瑟永諧百年之好敢冀育芝
傳芳慰我桑榆暮景平 瑤函過譽感 謝弗諼
如有收賀儀則添寫拜登 鼎貺不盡謝忱

賀娶孫婦

喜報孫枝新題媒葉芝蘭重慶琴瑟和鳴矣一堂雙鳳侶敬歌
閔睢之篇三代兩翁姑並頌麟趾之咏從茲孫又生孫振振承
統膝之歡祖而又祖濟濟溢 高門之喜兩間瑞氣百世嘉祥
如有賀儀添寫謹貢菲儀少伸芹敬仰冀叱存

答復

小孫已及冠矣乃懇執柯人行田舍禮俾得為之有室寔望如
賓如友娛我暮景亦冀小豚抱孫歡樂一室庶老年人共博一
笑耳乃蒙注及且賜盛儀赧顏拜登鳴 謝不既

賀娶妻

人生快事莫若新婚以 兄臺半姿俊雅得耦秦樓仙女必有

一番佳趣不腆之儀殊媿鏡臺惟有從雲漢間代祝天雞不鳴
河鼓緩漏耳來年桂子呈香又當獻頌麟趾章未知肯邀我湯
飴會乎虔修恭賀無任歡騰

答復

華富成婚百兩爛盈金堆玉積以糴粧次夜來紅裏添香亦覺
佳致如弟才媿梁生適得釵荆裙布婦聊充中饋役冀為接紹
計耳奚足齒數哉乃荷華箋遠致併辱厚貺生色多矣拜
登之下殊切惶慚肅佈謝悃不盡神馳

賀生

世事之最可喜莫如生男子吾兄罷罷叶夢果遂弄璋之慶
天上玉麟初降人間瑞氣呈祥雖未聞聲已信為英物矣異日
撞破烟樓高扳雲桂其所以大君問振君宗者正未可量也
茲菲儀聊作湯餅之需伏惟嘉納是幸

答復

幸舉一子喜遂添丁祇望其撫育成立以承南園北畝之役而
上又何敢必其振大宗問耶吾兄乃以玉麟瑞鳳過譽其曷
可當哉史承寵惠刻腑難忘汗顏拜領神馳鳴謝

賀生孫

玉樹流光孫枝毓秀際此重慶合館喜弄真人生長蔗佳境也
將見森森竹立繞膝莫辨祇效郭汾陽點頭開笑皆是此兒倡
之忝在至交欣爲致賀鄙儀菲薄幸乞莞存不勝幸甚

答復

老朽之桐喜長孫枝惟望其易養成人娛我暮年庶桑榆景不
致寂寞耳此後對鏡鐻白得太翁之稱寧不爲之開顏一笑乎
過承厚貺却則不恭受之有愧拜領之餘曷伸 謝悃

賀入泮

大兄蜚聲藝苑久擬珊瑚璣採芹之役特寄足地未足爲 兄臺

榮荷然雲梯月殿必從此爲堦也行看魚龍得兩飛騰九萬在
瞬息間耳是所以爲欣賀不盡望切之誠菲儀罄私嘉納是幸

賀中舉人

毛錐一戰雄氣橫飛知養翻有素者定膺首捷矣吾 兄角藝
文場榮叨鸚薦不特榜慶得人亦信蛟龍不久池中物也方看
來年臚傳首唱杏苑春游時使我與聞僕鼻馨香乎薄貢不腆
少申喜慶

賀中進士

柳汁染衣龍門果奪錦標杏園賦就頭角簪滿宮花泥金報到

知台翁名列巍魁慈恩題鴈曲江醉遊正探花得意時也從此一歲九遷秉鈞台閣作舟楫以濟涉川為霖雨以潤蒼生寧獨知已增榮而已賀賀

謝推薦

弟以穉下餘材無足比數徒以叨附榜榆獲見知于元禮遂令朽株發艷枯骨豐肌吾兄之恩不啻天高地厚矣自此立基興址皆出于尊賜敢忘造就哉虔修尺素敬謝雲誼

答復

騏驥驪駒定逢伯樂之顧青萍結綠長價醉下之門有才自必

有用是皆出于必然也以吾兄熙時豪俊自當為世羽儀經紳大人孰不器重何待弟之表揚哉荷承獎譽益愧疎愚但吾兄為陳孺子弟得如魏無知附之以顯榮施多矣奚謝為哉

謝感恩

急逼之際一滴甘露况霖雨大沛而生我早苗乎前荷高誼格外解推不啻戴德華嵩承恩江漢矣惜有懷伊邇致謝無由雖兄臺慷慨樂施未嘗望報而疎慢之罪弟已擢髮莫數矣謹佈鳴謝幸垂慈諒

答復

緩急人所時有。同舟遇風。秦越猶爾相救。况素交如弟之於兄乎。前者涓滴之私媿。不能常川周繼。綿力僅此。奚足置齒頰間耶。承翰益增慚赧。想兄臺亭亭玉立嶽嶽懷方。必不久為困屈也。惟願努力自愛。幸甚幸甚。

謝功勞

持危扶顛。至交之高誼。排難解紛。經濟之妙用。前某事荷台兄鼎力一挽。玉成其美。省弟許多拮据。此功此勞。寔在仲年之上矣。兀中未遑致謝。忽畧之罪。必蒙台諒。茲特具輻物數種。用申微敬。祈叱存之。勿擲是幸。

答復

大聖畏匡。非不能釋。周公被謗。非不能申。是皆處乎勢之難。而事之偶不易耳。吾兄長才遠馭。值錯節盤根。無不迎刃而解。弟不過因人成事。何敢居功哉。承惠佳品。愧汗交積。弟恐方台命。乃對使拜登。感佩。謝謝。

謝處事

蝸名蠅利。人各一心。往往當局。多不自知。而傍觀者。明如皎日。昨弟某事。荷吾兄九鼎挽回。至情委曲。極力調和。令彼此歡

悅即虞芳質成。不是過矣。感佩難盡。薄儀申謝。伏冀 莞存。

答復

弟守性疎拙。素却外事。昨見一兄與某友鵲蚌相持。勢無了局。不揣鄙見。從中饒舌。荷兩造深信。愚言翕然聽從。幸平其事。此不過水到渠成。弟何敢竊居間之力哉。盛情勉領。厚儀璧謝。

雲間陸九如纂輯

慰人喪父

人生在苒。猶如大夢。長別之悲。可勝浩嘆哉。頃聞 尊翁捐館。一時哀悼。難禁滂沱。況吾 兄失怙之慘。寧堪言盡。即但使骨多於形。淚竭繼血。其如繼承何。伏祈順變節。哀勉圖。後來是孝子。令先翁者。不更大乎。思之思之。

答復

某罪孽深重。不自殞滅。禍貽老父。呼泣旻天。撫心欲絕。扳號莫

恕辭踊無追此身幾不容于兩問矣多荷 大兄慰教益動風
木之悲嗒帖瞻雲血淚盈襟溯慕親容從茲杳渺旦夕想念五
內能不崩裂乎合哀叩 謝不既

慰喪母

忽聞 令堂伯母仙逝壹範云徂凡子姪輩誰不大慟悲傷
兄台終天之恨更難遣矣然大數莫逃亦第付之無可奈何耳
苦塊中不宜哀毀滅性過傷肺腑而俾往者以不安也萬祈珍
攝自愛以體親心以全至孝臨楮無任哽切

答復

母氏劬勞刻骨難報冀為奉養甘旨長承膝下之歡乃以不孝
罪逆禍延崩殞失恃之苦肺腑俱碎苟非門戶所託春秋所係
卽當勇絕以從慈魂于九京矣過荷 惠教殫存均感而泣杖
之思斷機之痛終天是恨也揮淚裁 謝難罄愁結

慰人喪兄

怡怡之情如手足誰甘毀傷哉倏聞元方之變豈獨 台臺
令原蕭慘卽弟 欲奏高山流水亦少一知音之侶興思及此不
禁潛潛淚溢胸膛也惟是化者魂魄莫知生者悲哀奚益萬望
歛拭淚痕撫誨猶兒卽不異荆花復茂矣切囑

若慰喪弟將元方二字改作季方餘俱通用

答復

衡陽聲斷最慘離折之悲其被情深難訴永違之痛家門不幸禍及先兄凡屬知交靡不心戚况在同胞其乳其將何以解此耶嗟嗟棣萼花摧壘篋韻杳我心匪石寧不悲哉荷蒙慰勉情感甚而戚益甚矣拭淚報書舍哀敬 謝

如答喪弟將先兄二字改作先弟餘俱通用

慰人喪妻

聞吾 兄夢中炊日遂爾鸞鏡分形此後蘋蘩誰主琴瑟音垂

悼寂衾單更增慘怛何然以 兄臺才華冠世身將大用不必效莊生之恣亦毋效奉倩之傷珍重自惜俾諸兒女無恃而有怙 尊夫人亦含笑重原矣至囑至囑

答復

夫婦之情如賓如友一旦割恩絕愛豈不肝腸寸斷乎荆妻不幸竟成長夢見諸兒女呱呱哀號一室枕冷衾寒觸物生悲此時此際銖石爲我流涕彼箕踞鼓盆而歌者世上有幾人哉荷承 慰教不啻嗚咽痛哭亡婦有靈應九頓黃泉以報明德焉得不含淚長感耶

慰喪長成子

令郎英偉奇器正擬爲世瑚璉以振大君門者也何遽就賦玉
樓茫茫造化有不可知矣切計吾兄盛德素著善根蓮種彼
蒼留意自須錫以長齡公子不謂若是之促大抵實關乎數哭
也奈何萬勿效西河之痛而割此衰老腸也珍之珍之

答復

小豚正當成立竊謂衣鉢可傳短折乃爾竟辭人世敢言振人
門閭哉正思綿衍先人瓜瓞則時祝蒼蒼也際此慘淒情緒誰
不爲我傷悲雖壽天山天而老牛舐犢難免心酸得蒙慰諭感

謝殊深

慰喪幼穉子

掌上珠沉懷中玉折蘭芽蹴損桂萼摧殘聞者莫不爲君痛心
况情關父子何堪割愛欲以忘憂相慰勉者似亦昧矣但死生
有命達者自寬母曰情之所鍾作婦女態嗚呼恐自損耳端此
勸慰諒之思之

答復

弟德薄祚哀禍及穉兒既珠沉璧碎何足言寶甌已破矣顧之
無益陽元之嘆最爲覺語豈肯作兒女態爲此呱呱而悲哀過

度耶。但骨肉天性，情難頓割。眼中淚不期流，而自流。心上愁欲消遣，而難遣。君其謂我何哉？此復

託地師擇穴

先人潛闢未安，中心如擣。茲欲覓一抔土，以妥先靈。非敢妄希富貴，而擇眠牛也。惟棲神得所，而丁財頗可稱足。便為鬱鬱佳城。足下今之黃郭也。久具大慧眼。若為弟博探遐搜，俾先人拭憑之，則寧獨弟啣結報哉。

答復

風水之理微妙難言，亦祝其人福命。何如適相湊合耳。僕眼力何敢比擬先賢，而青囊諸經，佩習已久。矧藉 台翁心地自得。福地必有可為。令先人住城者，容 報

薦地師

狹青囊者，遍天下求其相山骨如郭景純者，有幾。某君術貫堪輿，著名海宇間。兄翁欲為令先君十佳城，敬薦之。門下想巨眼必識牛眠也。幸延而試之。

答復

先大人住城未十松楸，在夢日禱名師，而相逢殊難。如願茲荷。呆師辱臨，降心指示，倘得抔土安其窀穸，固先人之靈，其拜

君惠多矣尙容面謝不盡

勸友葬親

司馬溫公曰葬者藏也子不忍親暴露故殮而藏之也。今之葬者相山川岡陵形勢考歲月日時干支以子孫富貴貧賤壽夭實愚係焉非此地此日則不可葬舉世信而惑之。於是葬親者問之則曰未有吉地又曰歲月未利又曰宦遊遠方未得歸葬且貧而未能辦葬具也。至於終身累世而不葬遂有棄屍失柩而不知其處者嗚呼豈不令人長嘆哉。惟五慮不得不謹勿使他日爲道路爲城廓爲溝池爲貴勢所奪爲耕犁所及可也。

公其聞此言而酌行之

祖父在家寄孫書

自吾孫離別家門倏忽數載少年在外惟宜老寔勤謹希圖粒積收拾回家以期創立切不可作爲妄誕游蕩虛費久羈他方而始我老憂也身體務宜保重家信必須常寄以慰懸念至于家中老幼俱各清安無鹿相庸前所寄銀信已經收入所有某事云茲因羽便特此示知 祖字付孫某收知

孫外奉祖

不肖孫某謹叩稟 祖父大人 尊前 稟者孫自叩別 尊顏前

往某處經營光陰易度不覺數載身雖在外心未嘗刻忘左右
倘稍得微利便當歸養斷不敢妄誕虛費淹留他鄉貽我祖望
慮而陷不孝之罪也捧讀尊示知合家清吉不勝雀躍至千
某事云萬乞裁行茲特寄來銀幾兩乞查收入尚稟叩請
祖父母大人萬福金安
孫某再叩稟

祖外寄孫

汝祖命蹇暮年風波久客遠方殊非我願本擬言旋舍館以娛
汝曹奈行囊懸罄故未能速為歸討看旦夕間畧可從心則故
國坵園指日在望矣家中諸事惟宜盡心整頓少年立身務須
篤寔謹慎勿令荒廢放蕩以傳外議則汝祖雖在外亦欣慰多
矣茲因鴻羽附寄來銀若干收入家用餘言不既特此示知

孫家奉祖

孫某叩稟 祖父大人 尊前 不肖土木庸愚使我祖僕僕江
湖風霜勞頓不孝之罪寔難道也某月某日接讀手札知
尊體康健舉家歡幸而家中大小亦各粗安母望尊懷至若
囊資厚薄總開乎救非可強求豈能如願况我祖桑榆暮景
不宜久跡異方萬乞整裝速回梓里以承繞膝之歡幸勿遲遲
就道使孫曹有牽衣之感也肅頌叩請 金安不盡欲稟

孫某再叩稟

父外寄子

父字示。某見知汝父自別家園。前往某處。瞬息幾年。本為經營。竟利豈知利路艱難。不能如意。無奈久羈。看早晚生理如何。再定行止。吾兒務必體父艱辛。勤謹持家。不可放浪形骸。令人耻笑也。母親須當孝順幼弟。務宜篤責。不可任其嬉遊。則汝父在外之心。可少慰矣。至于某事。云。茲特寄來銀幾兩。可收大交。付母親料理其他重務。待我回口。調停餘無他囑。此示。

子家奉父

違別。親顏荏苒幾載。自媿為子不能遠走經營。乃致。父親奔波湖海。罪戾大焉。昨某歸鄉。捧讀嚴示。命以料理家務。兢兢戒慎。不敢有違。母親本當承順。弟輩自應約束。家中大小。幸獲平安。悉無容。尊慮也。信內銀幾兩。已收交。母親奈家中用度浩繁。望乞時常附寄。免使。母親憂慮。則厚幸也。至于某事。云。已經云。但客舍風霜。不孝未能朝夕奉侍。干祈強飯。增衣。則兒之罪可少逭矣。因鴻奉稟。叩請。金安。尚函稟上。父親夫人。膝下。男某再叩。

子外奉父

拜離膝下倏忽經年爲游子他方致老親倚閭不孝之愆淵
深岳重矣兒自到某處覓利甚微是以未得言歸定省心邇身
適徒切寤寐若稍得囊資便當迅速回家奉侍甘旨又焉敢久
淹異地而累大人之憂哉家中某事望乞垂恩至于奔走風
塵謹當隨時恪守幸獲平安茲因某官回家之便附寄來銀幾
兩少充甘旨之資可查收入嗣後自當陸續寄奉銀兩不致懸
懸餘容再稟

父家寄子

父字付某兒收知爾之風塵奔走使我日夜縈懷能諸事保身

以體親心則親心可無罣念矣當此之時利路艱難百凡虛費
宜加深戒稍有利息務必速歸不可滯留歲月空懸倚閭之望
也家中大小清安可無憂慮汝所寄某某之信已于某月日到
家附銀幾兩如數收入此後書信切當時常附寄不致老親思
憶則吾見之孝行也某某事云并此示知

伯叔外寄姪

愚惟拋撇家園生涯異境碌碌奔馳無一善狀未知何日得謀
歸計徒老江湖殊深浩嘆吾姪少年練達自能整飭經營以耀
家門老孀幼弟時加體恤幸勿異視某某事云須當留心照

料則愚可免顧慮矣。鴻便附信，總惟照察，不盡欲言。

寶姪某

入目

愚叔某字遠

姪家奉伯叔

姪某謹稟

伯父大人

尊前

自叩別以來，幾更表葛。

伯父經

營遠地，吉人天相，自必獲福。獲財，恨不能奮飛左右，時承教訓之為悵也。某日捧讀，尊示知。大人近祉，駢禧曷勝雀躍。

伯母及家中大小，自名清安無恙。承賜厚惠，已經叩領。某

其事自應遵依料理，不敢有違。但闔家引領，樂回統祈，垂意望以家園為念也。肅頌叩稟，并請崇安。特此稟上。

伯叔父大人

尊前

姪某再叩稟

姪外奉伯叔

遠別

伯

叔父大人

尊顏。荏苒流光，幾易春秋矣。想

大人福履

亨嘉。暨

伯

母及

諸兄弟，俱各天相清吉。母庸遙祝也。奈姪

以蠅頭微利，遂逐風塵，難以滿意。未定歸期，不得趨侍庭階。寸

衷徒切，誠悵悵也。父親在堂，萬望垂青。姪婦姪孫，惟祈

照拂。姪見回日，定當涓埃圖報。洪恩臨稟，耿耿不盡欲言。外

附奉白金幾兩，少伸姪見寸誠，伏乞查照。收入此稟。

姪某謹再稟

伯家答姪

賢姪英偉志向遠大託足湖海自必留心經營但虛花之費惟宜節省切不可泥沙視黃白也近接汝信知汝容體平安甚慰愚衷家中大小亦各清吉無庸外慮汝父與愚原屬一本日當友愛相親姪婦姪孫自宜時詢不須贅述但汝父汝母景入桑榆且夕惟子是念吾姪奚安况利路緘微應蚤圖歸以悞白髮乃盡人子愛日之誠耳鴻便附信難罄欲言此達其官賢姪知之

愚叔某字達

兄外寄弟

愚兄出外奔逐省年不得在家奉侍雙親所賴吾弟日夕承歡愚兄不孝之罪可少贖矣總因利心所糾故爾奄留異地倘畧得從心必當速回其事父母以圖天倫之樂豈忍久離以貽老親憂耶汝嫂務必照顧汝姪惟宜篤責勿令放蕩玷辱家門也至于某事云云吾弟可留心料理千里片言萬惟體諒茲特寄來銀若干可查收餘難筆罄此達

某弟收照

愚兄某字

弟家答兄

兄客他鄉弟居鄉并風塵之苦兄獨任之二親在堂弟應

弟

弟

弟

弟

奉侍。阿嫂諸姪俱獲康安。家中諸務自當支理。豈敢溺志惰荒。使吾兄有遠懷之憂哉。但親邁姪長稍有貲蓄。急早圖歸。俾舉家免子懸望。則幸甚矣。其某事云。并此奉知。前某月某日所寄某人銀信。已經收到。馮使肅稟。萬乞鑒諒。此稟上某兄大人尊前。

愚弟某稟

弟外奉兄

別後流光荏苒。葛幾更荆被之思。無日不切。自媿浪跡他鄉。天南地北。不得與吾兄旦夕侍奉。雙親罪何可道。但弟之跋涉艱辛。皆緣財利甚難。以致棲遲異域。稍有餘資。即當回聚。

雁行以娛一堂之樂。弟婦幼好諸皆未諳。專望自家料理。至于

某事云。并乞垂意。附寄來銀幾兩。照人是禱。餘容後稟。

兄家答弟

別經數載。手足懸情。時形夢寐。某月某日接吾弟來信。知客況清安。閤家欣慰。但長安雖樂。不是久戀之鄉。速宜收拾回家。以娛雙親。暮景切不可任意浮萍。使愚兄有雁陣寥寥之感也。弟婦幼好。自當詢顧。家中老幼。俱各平安。可免遠慮。所寄來銀若干。已照數收人。其某事云。并此達知。兄某字付某弟收照。

夫外寄妻

應酬集選
遠遊客地。忽爾年餘。想念家庭。心神如醉。懷望親老在堂。子幼在抱。全賴賢妻調護。維持寒暑。無輟母致。父母深不孝之怒。而子女失教誨之方。則賢妻功大恩深矣。經紀畧能如意。卽整歸裝。無庸擗念。茲因鴻便。特此寄慰。外附來銀若干。可收入家用。後容再寄。不盡願言。

妻家答夫

接君來翰。知近體清和。舉家欣幸。信內附銀幾兩。已如數收入。至若高堂中饋。妾自任之。弱女幼男。妾自撫之。家務紛紜。妾自理之。不必煩夫君懷念。但異地風塵。骨肉其慮。計有齷齪。

卽當返

鴛奉養。雙親教育。幼兒至親。完聚笑語。一堂庶不致。老親懸心。懸倚。聞使妾興嘆。白頭也。室遐人遐。寸心千里。惟加餐。目愛爲禱。

妻家寄夫

憶自夫君別後。芙蓉兩度開矣。行時叮嚀絮語。妾拳拳在心。不敢有忘。但家事清淡。日食維艱。見女呱呱待哺。又無至親看顧。四面牆壁。我一流寔難支。持萬祈存心。記憶家中。女缺乏。必須常附銀信回來。不致妻子有凍餒之憂。方是鬚眉大丈夫。倘孫資少。遂務宜速回。畧爲整頓。然後再往。切不可茫然一去。久

客他鄉使妾有化石之悲兒女有失誨之咎雲山漂渺不易傳
鴻惟君垂意曷勝依依

夫外答妻

自別家園數更寒暑矣。祇因口腹逼人勉。每生話故爾遙征覓
利爲家中度淡泊朝昏兒女累多致。賢妻卧薪嘗胆是皆鄙
人之罪也。且四顧無親汝母子舉日蕭然寔深內顧恨不能揮
滿載我亦心久戀矣。看早晚間即便收拾歸來。茲寄某人來
羽飛回以免天涯縣切。且此時某處經營亦殊艱難焉得積成
銀若干可收入以充薪米之需。尙費用不敷可向某處暫時挪

借我回自應送楚鴻使附知不盡積悽

母家寄子

吾兒外出我心甚懸。雖遊遠有方其如倚門切望何哉。爲人子
者寧不體親心而惆悵乎。況汝年近卅旬尙然未謀一媳誰代
我井臼之勞。誰奉我甘旨之養。即與思及此務必速回謀娶免
我年老憂煎。乃吾兒之至孝。且異地風塵原不可以久寄財利
有無數定亦難勉強。切勿謂空篋難歸。故爲留滯。使我望眼將
穿也。至于家中困缺自不待言。惟汝存心餘無他囑。

子外奉答母

不肖兒某謹稟 母親大人 膝下 兒自叩別 慈顏前往某處
經營。倏忽數載。豈知命途多舛。覓利輕微。費用又繁。所入僅供
所出。雖年久月深。一無所蓄。空囊素手。委怕言歸。致 母親且
夕懸懸。不孝淵深。豈能追乎。况兒老大年紀。豈不念及室家之
好。以代薪水之勞。忍使我 母自任井臼。以重不孝之罪耶。看
來年稍有微資。必當旬回。議娶承奉甘旨。不致子道常虧。差堪
償願。茲特寄來銀若干。聊充家用。乞查收。入餘未盡稟

母家寄女

目與吾女別後。心中忽忽若有所失。豈知光陰易度。竟兩易春
秋矣。每欲附寄一信。魚沉雁杳。徒悵老懷。然母子之情。兩地懸
切。未知何時聚首。而慰我想念也。惟願吾兒以順為正。毋忤夫
命。勤內事。慎言行。謹婦道。則汝母榮幸多矣。諸兄弟俱各清吉。
不須過慮。汝身體惟宜珍愛。強飯增衣。是汝母之至望也。茲因
鴻便。持此寄囑。難罄欲言。

女外奉答母

女兒某謹肅 母親大人 膝下 生女遠適。何如斷線風鳶。既違
甘旨之奉。且疎定省之儀。遙憶 慈顏寸衷。若割。又不敢仰哭
高聲。以伸鬱抑。每一興思。只有潛潛暗淚耳。正流涕間。忽接

尊緘不啻慈光遠降知尊體安康諸兄弟清福甚慰遠懷
至予諄諄訓語敢不凜遵而貽我母憂哉但山川修阻不知
何日得承繞膝之歡而安我徬徨也羽便叩稟金安不盡孩
切之至

女家奉母

叩別母親脩經幾載孺慕之誠時形寤寐想慈顏以衰邁
之年經異地風霜勞頓其苦安當恨兒屬女流不能奔馳侍從
爲晨昏定省計悲離之情徒付一哭不孝之罪寔重千鈞但嫁
夫從夫亦出乎勢之無可如何耳惟有叩祝神天庇佑老

母身體安康長享遐齡希冀不日聚會時承笑語之歡則百結
愁腸可少解矣夫婿無恙孫曹清吉母望尊懷肅稟叩請
金安并奉某物乞爲查入餘稟難窮

母外答女

母女遠別離恨千端接汝來信我愁更結未卜何期得回故鄉
與吾女聚會言歡以吐胸中之積使我心安幸老身近時頗健
兄弟俱各粗安不須牽慮惟宜順時自保紡績勤心慎持內
事敬畏夫男撫恤女兒母倚汝形母荒家政凡諸如婢貴和貴
忍願吾見善體親心則汝母雖遙隔萬水千山亦厚幸矣汝寄

某物已經收人可見吾女孝行必邀彼蒼之眷而膺大福也因
便寄示不盡縷衷

孫外奉祖母

不肖孫某謹稟。祖母大人尊前。不肖叩別。尊顏三更歲月
侍奉久疎。罪深愆重。惟有望風遙祝。祖母金體康寧。安享老
福。則此心可無憂戚矣。不肖在外兢兢戒守。諸事儉約。託賴履
吉無容。祖母望懷。擬欲回家。奈事務未完。賬口難清。故不能
速就程途。來春或可完結。便當買掉歸來矣。茲因鴻便。肅筆
奉稟。并附某物。乞為查入。餘稟不盡。

祖母家奇孫

吾孫遠遊異域。祖母十分懸切。不謂一往轉盼如許之久。晦明
風雨。莫不念及汝務。宜速回慰我老懷。然後再就程途。以謀益
利。切勿久淹客地。使我且夕繫思。愁腸莫解也。况吾孫年已及
壯。亦當歸娶一媳。以為後日計。豈可付之杳然而作老來嘆乎。
旅次寒溫。猶宜調護。汝其體念留心。毋虛祖母所望。是囑。寄來
某物如數收清。并此附及。

姪外奉姑

不肖姪某稟上。姑娘大人尊前。姪拋撇家鄉。希圖覓利。豈知

應酬身選
時乖命拙得失依然兩袖空虛殊難速旋容少立規模急謀歸計安若諸表兄弟高才偉畧經營得訣與姑娘朝暮言歡奉侍慈幃孝全于內利豐于外真人間樂境也默而思之足今不肖羞殺茲因鴻便稟候金安暨列位表兄弟福祉

姑家答姪

不見賢姪屈指幾載骨肉之情令我滂涕况愚姑年已將邁亦宜速為歸計使我一面則心中牽望可少安矣汝諸中表頗循孝行而甘旨之奉亦甚竭誠故老劣幸獲平安茲接賢姪求信意氣殷殷汝姑不勝喜慰但遠地風霜保身為要至于百凡事務尤當節儉切勿妄為濫施而致罄囊素也至囑至囑

姑外寄姪

愚姑與汝父不同胞共乳豈忍分割兩地長抱悲離則惜為女流有從人之誼故背井離鄉而就食某處每念及賢姪輩未嘗不痛我心曲也當此之際耳聞異言目見異色更增愁腸百結未知何日得回梓里與諸姪姊妹聚慰潤懷方解我憂戚也因鴻附信難罄欲言

姪家奉答姑

姪抱拙株守唯孳孳計食想我始娘愛姪如子何堪關山阻

隔不得一觀。尊顏向慕之誠。不啻若割語云親之比。父仰億
殊深恨不能飛侍。尊性以聆。大訓其徬徨有不可遏者。奈
何奈何。列位賢表。自必因時獲福而奉。大人以甘旨之歡
萬望善保。金體則承。慈詢政未艾也。便中稟候不盡依
依。母親及諸姪婦均此囑筆致候。

姊寄妹

自與賢妹判袂。忽更幾載。年月催人。兩鬢將霜矣。以骨肉至
親。不獲常接音容。思憶之懷。豈能頓解。總之婦道從人。寔勢之
無可奈何耳。惟願賢妹順時調護。勤慎寧家。其奉尊者以敬。其

待卑者以恕。于妯娌諸姑。必忍乃和。倘探愚言。均有光矣。姊

丈及列位賢姪。必膺多福。殊慰愚衷。託穎臨風。曷窮縷悵。

妹奉姊

奉違。姊兄尊範。物換星移。不覺幾經冬夏。骨肉分離。朝夕
想諒。吾姊大人與列位賢姪。承天眷佑。自必時臻福祉。不待
姊之遙禱。但姊妹之情。分爲兩地。未何時復承閨訓。則慰我
相思也。適接懿示。諄諄告教。敢不仰體徽音。而致方悃。倦也
因便附請。金安。闔潭均此奉候。

姊寄弟

姊係女子義屬從夫拋離父母不得待奉寒溫殊深罪戾所賴
吾弟承歡膝下務必克盡人子之誠時享甘旨之樂母使老
親有憂念之心則吾弟之大孝可以格蒼天而邀厚福矣弟婦
素嫻閨訓必能使家道興隆而斷不致有乖中饋汝姊深為擊
節茲因羽便端請老母金安暨列姑福祉
弟奉姊
拜別吾姊在再三秋懷念同胞才表若割每觀雲天未嘗不
臨風掩袂也惟冀吾姊大人時叨天佑聞祉日增則弟之心
庶可歡慰矣姊丈及諸賢甥定然動履亨嘉無容弟祝至

于老父母近日安康弟自雷奉承竭力無須尊慮所有某事
云乃力所難支奈何奈何端此奉上
某姊大人 尊前 弟某具

兄寄妹

憶別賢妹數載于茲迥隔雲天其懷無已骨肉之念寧忘臆
腕哉惟望賢妹時加勤慎勿違忤于舅姑勿構怨于妯娌夫
婦之道必忍乃和此愚之至囑也若愚之碌碌勞形無一善况
至足愧也所賴天眷叨獲清安可無垂慮亦冀吾妹順時惜
身無使憂思煩心則厚幸矣茲因羽便附信以聞

妹奉兄

愚妹某肅容奉稟上 某兄大人 尊前 妹命不長 骨肉分離 每念兄弟不能相聚 上堂徒自痛心慘怛 不知何日得覩 尊顏而慰我思切也 嫂嫂大人想必福祉享嘉 列姪自然清吉 無容妹祝 姆潘姊妹為我致候 因鴻附啟 不盡欲言

作母寄姪

愚婦

字達

某官賢姪知之自汝伯不幸之後迄今幾載 愚克

盡卒勤撫守汝弟幸稍成立可以無媿汝伯于地下矣但未娶

一媳此心能不懸懸然 殮尚急何暇及此徒付一嘆耳倘失

人靈佑汝弟時來得 賢姪鼎力一助良亦易易也便中信候不既欲言

姪奉 伯母

姪某謹稟上

伯母大人 尊前 姪命蹇劣骨肉分崩不意

父竟爾仙逝悲戚之感肝腸欲斷荷 伯母大人垂念先人撫

孤弟輩俱已成立此功此德何異天高地厚不獨寒門有幸即

先伯父亦銘刻于九京矣成婚之事愧不能專力自當竭誠

應 命肅此奉稟端請 金安 并列弟福祉不既

戚屬往來

凡時令贈送近通候俱載別卷立以摘用接入

岳父家寄女婿

時令云想賢婿遠遊客地自應佳勝但跋涉江湖風霜嚴厲務宜篤寔老成勿以戲浪為貪戀稍得如意及早言旋建立規模不特高門有慶小女有賴即老劣亦叨東坦之榮矣肅附荒函不盡懷念

女婿外岳父

奉違岳父大人轉盼幾年而瞻依泰代出之誠則無刻忘之伏願彼蒼加佑時邀福澤則子婿之默祝也令媛名門秀淑素奉母儀必能克盡婦道自不庸慮早晚得手自當匍旋焉敢留戀以辱尊憂也肅頌稟復并請金安不既

岳父外寄女婿

劣舅僕僕問津徒事風塵無怪故園花鳥笑人賢婿以英賢華胄坐守林泉靜享遐禧不幾令勞人羞殺乎小女婦道未嫻恐乖內政祈賢婿倡之使隨導之使順則劣感之而深佩矣此達

女婿家答岳父

憶別岳父斗轉星移仰望雲未嘗不心筵遙江也若婿之碌碌株守無志遠圖汗顏何似伏望慈光速旋則瞻依誨

永沐造就之恩。其勿以半子而揮之爲率。令媛純淑可嘉。內
治有道不待婚。倡也。端稟復請。金安。

小舅寄姊夫

若大舅老姊丈換作老姊丈
家姊換作舍妹餘俱可用

時令云

云想

老姊丈福祉日隆。無庸蔡卜。但以郎舅至情而

長間天涯海角。別離之感覺更增數倍。即欲飛侍案前。恨無雙
羽。何哉。家姊諸甥。自必時邀清福。無庸贅祝也。家父母俱賴粗
安。母煩望慮。茲因鴻便。恭修虔候。不盡依依。

姊夫寄小舅

如姊夫賢字換作尊字
姊字換作妹字餘通用

駭遠

賢舅轉服

二秋日月易逝令人可駭想

賢舅臺動履

亨嘉

岳父母大人定膺老福無待遠人致祝也

令姊邇來

康吉小兒皆亦各清安無須心望。端此奉候。并請岳母二位

大人

金安暨

闔潭福祉

母舅寄外甥

別

賢甥者有日矣。渭陽情切。何日忘之。汝母親暮年衰朽。爲

人子者正宜竭力承歡。不使憂煎老景。則孝道彰矣。愚舅遠離
骨肉。不得一省汝母。可爲致意。請候并達。汝舅平安。庶免繫念
兄弟之切。此達。

外甥奉母舅

尺牘

尺牘

尺牘

尺牘

不肖甥某謹稟

二舅父大人尊前

甥自叩別以來不覺數載

孺慕之誠無日不在肺腑間也想

舅父吉人多福定叨康樂

而慈母在堂自當竭盡子道豈敢違忤使

大人有不孝之

責也羽便奉稟叩候

尊禧不既

奉表兄弟

時令云

政

老表

兄福祉倍增之候也若

愚庸碌碌徒事

尸餐不能克振家聲寔辱中表名望瞻彼行雲想念殊切未卜

何日得親

大教而慰此飢渴也寸緘敬肅奉候一白禧并請

始娘母大人萬福金安

答表兄弟

適接尊翰宛若面晤中表情殷如吾

兄者足稱千古一人

愧弟逐逐形勞不得時修恭候疎濶之罪必獲鑒原而依切之

心終難頓釋雖後會有期其如想念何哉

始娘母

大人為我代

稟

金安諸表姪為我致意問候切仰切仰敬此佈復虔候

禧光不既

奉同襟即同門丈

聯襟之戚誼若同胞兩地情懷寧不倍增關切乎然老襟丈

德並高山望隆星斗豈若弟之樗櫟庸愚不堪比數未知西窗

剪燭之餘亦曾少存注念否耶蕪詞肅飾敬候 崇禧臨楮企

切

答同襟

同氣連枝。遠分南北。誠難一刻。忘也。兩姨夫婿。人謂同袍。東坦
才華我欽。襟丈仰懷。芝字飢渴。殊深。瑤翰飛來。勝于誥誡。
此天從善。願信不誣也。但遇月夕花朝。酒香茶熟時。益增離索
之感。為之奈何也。爰修恭復。並候金安。曷勝神溯。

主外寄僕

論某某知之。我自某自離家。前往某處。一路平安。無庸汝慮。其

各處租穀各項。逋欠務必盡心催討。不可在其短少。拖延錢糧。
應照限完納。家用日食。務約儉。不可濫辦門戶。宜謹慎。火燭宜
小心。二主母宜遵奉。小主有過。悉心勸諫。不得引順為非。致辱
我門牆也。不許沙貧杯誤事。及惹是招非。汝妻汝子。必當訓誨。
切謹。不得執拗。躲懶。遵守奉行。區日自有獎賞。汝其凜之。特示
僕家回稟。王太恩之。以交平力。早。取。某。恩。圭。駕
沐恩小的。某某叩首。叩稟上。大恩。王台前。稟者。自。恩。圭。駕
臨其處。小的。兢兢。恪守。百几事務。殫心料理。所有各處。租穀。逋
欠等項。勤江取討。不敢怠情。錢租。並無過眼。門戶。火燭。時刻關

防日食需用。主母秉持不致浩費。列位小王資質天成俱皆純粹力學。並無放心外事。恩主可無掛懷。某日跪讀論札倍加努力。敢不遵遵戒飭。致于罪戾。但主駕遠遊。不得跟隨。鞭鐙早晚奉侍。犬馬之心。何以安乎。代願早賜榮歸。則小的可以無憂矣。戴天履地。悉係覆載之恩。焉敢過望獎賞哉。謹稟。

僕外稟主

沐恩大馬

某某

謹叩稟上

天恩主台下稟者。小的自奉差前

往某處托賴。洪福幸獲清安。已于某日到地矣。所有應辦之

事。隨卽陸紗料理。將次明白各項所欠銀兩。遵命往取。俱已將清楚。惟有某人處。尙未完結。是以羈絆不得早回。小的時刻婉詞催討。屢限屢延。若旦夕間送還。卽可歸家復命矣。僕媳僕男。伏乞時加恩恤。披肝歛胆。自當克盡勤勞。羽便肅稟。尚叩金安。并請主母及列位相公福祉。臨稟不勝悚惶之至。

主家答僕

示某某知悉。自命汝到某處辦買物件。及取討各項賬目。起身之後。我心甚懸。得汝來稟。知汝某月到他。并知貨物料理。將次明白各項欠銀。俱收清楚。甚慰我懷。其某人之銀未還。不姑守

候務取完結切不可聽其短少也諸事必待件件了畢乃可回
家不然又費一番跋涉矣汝妻子自當照顧不必煩惱至于勤
勞盡職正汝分內之事果竭肝胆必須厚遇汝其慎之可也此
示

書東活套

別 別纔信宿 違教經旬 阻見經旬 匝月不面 拜
違一口如隔三秋 不覩芝眉忽經越月 以上平交近別 久違顏範
羊度久睽 曠違久矣 數載睽違 別久間疎星移物
換一別光儀星霜幾換 揖別羊神五度蜚螢矣 以上平交遠別

拜違矩誨 潤別高踪 奉別尊顏忽盈旬口 不聆教益

非僅數天 別離芳範時序頻移 以上尊長近別 久違

清訓 踈奉誨言 睽違至教 睽越教言幾更寒暑 不

侍尊嚴幾經伏膺 以上尊長遠別

思慕 時時注念 心旌搖搖 鄙吝復萌 苧棘頓生 懷

想故人 曷勝恋切 肝膽精神靡不相嚮 以上平交 心馳左右

志切傾葵 五中懸切 馳情孔亟 感情仰德與口俱深

仰慕高風神情渴注 以上尊長

缺候 久虛通候 鱗鴻莫寄 音問久疎把愧無地 未奉

寸緘少通積愫。不獲寄尺箋以通微悃。不遑致一字於
記室。以上平交問候久疎。未蒞尺素。罪深缺候。未獲肅緘

積悃滿腔未繇傾倒。以上尊長

惆悵 徒增惆悵。寸衷延結。肝腸百結。悵悵殊深。何

以解吾鬱結也。腸一日而九迴矣。以上平交歉衷嶽積。鬱積

五中。缺望之思無由可解。以上尊長

茲者 茲者 邇來 刻下 值此 屆茲 以上通用下

起居 步趨休暢 興居散穀 百順駢臻 福祉亨嘉 鈞

候興居于福萬祿。起居動履永膺百福。通用

欣慰 大慰鄙懷。少慰下懷。甚為慰望。一不勝雀躍。曷

勝欣慰。無任欣樂。通用

自叙 僕慚株守。生愧散材。榜樛庸材。百不逮人。生

慚窺管。辱齒高明。以上平交難當執鞭。深愧折枝。不才瑣

陋。見鄙尊執。愧作鬚眉婦。愧窺養禋天。以上尊長

恃愛 忝辱通家。叨承夙愛。恃在鮑知。幸叨莫逆。恃

在知交。深荷重情。以上平交叨辱不鄙。俯賜登龍。忝同厦

燕。叨庇萬間。素承愛育。德並二天。

人事 茲者某事云云。適者某事云云。曩者某事云云。

廣州宣卷 活套 裝

于聽 莊函奉瀆。託鯉達情。恭修奉敬。肅函奉懇。虔

裁奉懇。冒昧于瀆。不揣妄懇。以上平交冒觸威嚴。塵瀆鈞

聽不避斧鉞。輒申妄懇。肅裁清楮。奉瀆高軒。以上尊長

臨書 臨楮不勝眷戀。臨書曷勝懇切。臨書無任瞻依。

臨書不勝悚惶。薰臆無任兢惕。臨書不勝依切。臨書

心往可勝神馳。臨楮惓惓無任虔切。通用

回示 望賜回音。拱候鈞示。希惠我好音。幸無玉爾音

雙鯉尺素公也無斷。許俟回音幸勿鄙夷。通用

保重 伏惟順時珍重。仰祈隨時自玉。伏冀目愛以享熙

和 仰惟調護。以副鄙忱。以上伏惟自珍以重道體叩冀

順調以膺福祉

鑒照 萬惟情恕。統冀心月。仰希崇鑒。統祈亮察。伏

惟鑒念曷任光榮。仰希霽照幸賜汪涵。通用

結尾 不宣。不借。不一。不悉。不既。不贅。不盡

不縷。不絮。不罄。通川

書後附名寄候 某翁處未及附啟乞代申鄙意為感。某伯

不及另東乞呼名代稟金安。某丈不暇另啟希叱名致意

某兄才違修札恭候所為鼎言致候。通用

復書思真

方深懷想忽拜瓊音

正深懷德適隆佳音

馳

情方切忽辱寶箋

景慕之間忽蒙翰教

以下上方圖瞻仰雲

翰忽頽方殷想慕拜辱琅函

思深忽拜華箋

捧讀神情

俱爽

以上尊長

答侯

倅旋附羽魚封少申微意

使便敬此奉候與居兼伸

謝意

茲因人便少致寸楮聊伸復後之敬

通用

答復時景保重結星

正遇春寒猶劇伏惟順時自玉以膺福

祉不宣

春剛逢隆暑蒸人仰冀以道自愛用應天寵不宣

刻下秋高氣肅伏希順序自珍不悉

秋

時值隆冬寒氣逼人

伏冀順時調適不贅

冬以上通用

遠別

別來久矣無日不馳神左右吾兄方寸中亦曾念我故

人否

憶在某處行樂歡悞高談晤對自足千古豈期別後

地濶天長無從聚首安得縮地方一吐拖中積哉

別來風

雨棲其烟雲滿目無非蕭條形狀對景懷人益增悲嘆心交

如我先生亦必同此悵恨情也

別後遙隔山川回首暮雲

春樹悵也何如幸勿以地遠而忘情也

判袂以來春秋幾

易風晨月夕入結奚堪

憶別台臺倏焉數載光陰飛矢烏

兔擲梭懷念故人屢忘餐寢君其亦同我情痴乎

嗟隔忽

紹幾載。追惟握手。天各一涯。可深悵恨。別後幸無他恙。惟故人之思。鬱鬱結愁腸耳。一參商兩地。夢想爲勞。乃承瑤函。遠致足徵心愛之誠。

近別。累朝阻見。時曳心旌。想兄臺翩翩雅度。令人翹仰英姿。尙移玉過我。少聆清誨。如飲醇醪矣。不親叔度。瞬息連朝。誠三秋不啻矣。冒中鄙吝。復生欲藉教言。以豁之。適因俗絆。暇則趨承。台臺風度。皎然人爭快靚。雖睽違未久而向慕。殊深方欲朝夕聯床。竊聆大教。而乃吝趾。枉顧。得非踈棄愚頑乎。數日不見。鄙吝復生。而明德之馨。襲襲在襟帶間矣。

弟碌碌庸愚。誠恐屢瀆。自取罪愆。是以未敢頻謁。高明伏惟諒之。盈盈一水間耳。而乃局此株守。不得時候。台光殊爲歉仄。台臺風度。數日未覩。而種種困情。與日俱積。何時聆音得遂。所望幸勿鄙而揮之也。不奉光儀。倏逾朔晦。私心忒上。寤寐難忘。如弟之混跡牛馬走中。奔逐靡寧。卽有親炙之心。而勢隔形睽。爲之太息也。

未會。台臺清才逸韻。偉抱盈襟。雖未獲而覩。半標而實。則神交久矣。何時泥首崇階。慰此飢渴。仰慕仁兄。各高山斗。雖心交日久。無奈緣慳。未獲一覲光儀。爲悵恨也。密邇門牆。

阻于覲見其何以解此心熱耶。先生英偉經濟誠寰區中之泰山蒼昊上之北斗企仰高風寸心常赤未得一聆台教寧不惆悵者乎。仰惟先生人中仙品慶雲在望頻切瞻依而乃不聞音誨其如徬徨之甚。

乍會 泮水相逢傾蓋如故于寔惠之矣。纔欣倚玉便以金石相交何緣厚幸而叨此光輝也。近挹光儀辛垂青盼摑乎談心誠良遇也。奈泮踪締合忽爾分形惟知己者共結此心無使青松笑人即厚幸矣。

問候 遠越光儀良深企仰而塵途碌碌領致緣慳夢想風神朝昏如醉然吉人修正養高積誠守志增勝日多下情欣慰不已瞻足鄙懷乎。別久問踈殊爲歉仄兄臺德業時新福祉駢集深堪慶幸如弟之奔走駑駘遠拜下方殊爲愧郝也。

學茂
知社
光儀
泮水
青盼
摑乎
談心
誠良
遇也
奈泮
踪締
合忽
爾分
形惟
知己
者共
結此
心無
使青
松笑
人即
厚幸
矣

韜挾風雷威鎮衛城之塞
光依日月名高海澨之邦

門營駐迎北闕南都恩惠澤光大

地營駐接東海南都春惠澤色多

彩飛鳳舞寅階以原秀

燕帳沼帳鶯帳乳帳甲帳第帳新帳

山青水綠三陽泰
魚躍鳶飛四海春

修厥德自求多福

慎乃儉惟懷永圖

御誥芳年封爵祿

居官千載受皇恩

上帝垂恩因人施雨露

天官賜福隨時降禎祥

